

Broj: 06-03-597-10/15
Mostar, 18.12.2015. godine

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoća dozvole HSE BH d.o.o. iz Sarajeva, Regulatorna komisija za energiju u Federaciji Bosne i Hercegovine – FERK je 18.12.2015. godine na XXIII redovnoj sjednici donijela sljedeće

RJEŠENJE

1. Nalaže se HSE BH d.o.o. iz Sarajeva, imaoću Dozvole za snabdijevanje električnom energijom – dozvole II reda broj 06-03-507/21/12 od 21.07.2014. godine, poduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

a) Obavljanje licencirane djelatnosti

Tačka 3.1. Dozvole za snabdijevanje električne energije – dozvole II reda:

1. **obavljati isključivo zakonom propisane djelatnosti snabdijevanja električnom energijom kvalifikovanih kupaca i trgovine električnom energijom i poštovati ostale uslove dozvole, koju mu je izdao FERK,**

b) Pružanje informacija za DERK, FERK, NOSBiH i RERS

Tačka 4.4.3 Dozvole za snabdijevanje električnom energijom – dozvole II reda:

1. **poštovati uslove dozvole za međunarodnu trgovinu koju mu je izdao DERK i trajno ispunjavati zadate uslove, te izvještavati FERK o svim promjenama navedene dozvole,**

c) Izvještavanje

Tačka 4.14. Dozvole za snabdijevanje električnom energijom – dozvole II reda:

1. **dostavljati redovno usaglašene, tačne i ispravne mjesečne izvještaje u skladu sa Zakonom o električnoj energiji u Federacije BiH, Pravilnikom o izvještavanju FERK-a za imaoće licence za snabdijevanje električnom energijom drugog reda i nezavisne proizvođače u propisanim rokovima,**
2. **uskладiti izvještaje iz alineje 1) ove tačke sa redovnim knjigovodstvenim evidencijama, koje se odnose na obavljanje djelatnosti po izdatoj dozvoli,**

d) Razdvajanje djelatnosti

Tačka 5. Dozvole za snabdijevanje električnom energijom – dozvole II reda:

1. **voditi licenciranu djelatnost funkcionalno razdvojeno od ostalih licenciranih i nelicenciranih djelatnosti (trgovina električne energije na tržištima trećih zemalja),**
 2. **sačinjavati odvojene finansijske izvještaje za navedene djelatnosti iz alineje 1) ove tačke i dostavljati FERK-u.**
2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

O b r a z l o ž e n j e

Postupajući u skladu sa Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13), propisanim nadležnostima, FERK je imaoću dozvole HSE BH d.o.o. iz Sarajeva Rješenjem broj 06-03-179-13/4/14 od 21.07.2014. godine izdao Dozvolu za snabdijevanje električnom energijom – dozvolu II reda, u postupku izmjene i dopune Dozvole za rad-licence za obavljanje elektroprivredne djelatnosti snabdijevanja električnom energijom drugog reda broj 06-03-507/21/12 od 11.07.2012. godine, radi promjene adrese sjedišta društva. Period važenja navedene dozvole za rad – licence je do 29.11.2017. godine.

U navedenoj Dozvoli za rad u tački 3.1. propisano je da je imalac dozvole ovlašten obavljati snabdijevanje kvalifikovanih kupaca i trgovinu električnom energijom na unutrašnjem tržištu. Dalje, tačkom 3.3. propisano da imalac dozvole ima pravo obavljati licenciranu djelatnosti na području Bosne i Hercegovine, dok je tačkom 3.4. propisano da ukoliko imalac dozvole namjerava uvoziti ili izvoziti električnu energiju, obavezan je dobiti dozvolu za međunarodnu trgovinu koju izdaje DERK.

Tačkom 4.4.1 dozvole propisano je da je imalac dozvole obavezan redovno dostavljati informacije u vezi sa obavljanjem licencirane djelatnosti FERK-u, DERK-u, RERS-u ODS-u i NOSBiH-u, dok je tačkom 4.4.2. propisano da je imalac dozvole obavezan na zahtjev ODS-a i NOSBiH-a dostaviti sve tražene informacije u vezi sa kupovinom i prodajom električne energije, a tačkom 4.4.3. je propisano da je imalac dozvole obavezan poštovati dozvolu za međunarodnu trgovinu, ukoliko je izdata od DERK-a, trajno ispunjavati zadate uslove i izvještavati FERK o svim promjenama navedene dozvole.

Tačkom 4.14.1. dozvole propisano je da je imalac dozvole obavezan FERK-u dostaviti izvještaje u skladu sa Pravilnikom o izvještavanju FERK-a za imaoće licence za snabdijevanje električnom energijom drugog reda i nezavisne proizvođače, dok je tačkom 4.14.2. propisano da izvještaje koje se odnose na isporuku električne energije preko prenosnog i distributivnog sistema, koje imalac dozvole dostavlja FERK-u, je obavezan usaglasiti sa izvještajima NOSBiH-a i ODS-a.

Dalje, tačkom 5.1. dozvole propisano je da je imalac dozvole obavezan licenciranu djelatnost obavljati funkcionalno razdvojeno od ostalih djelatnosti. Dalje, tačkom 5.2. dozvole propisano je da je imalac dozvole obavezan voditi poslovne knjige i računovodstvo za licenciranu djelatnost, odvojeno od drugih elektroprivrednih i neelektroprivrednih djelatnosti koje obavlja i sačiniti odvojene finansijske izvještaje, dok je tačkom 5.3. propisano da imalac dozvole, ukoliko obavlja više djelatnosti, obavezan je osigurati

odvojeno poslovno upravljanje različitim djelatnostima, kojima se osigurava razdvojeno i nezavisno ostvarivanje međusobnih komercijalnih interesa.

Osim navedenog, tačkom 9. predmetne dozvole propisano je da u okviru svojih nadležnosti FERK vrši nadgledanje ispunjenja uslova iz ove dozvole, te da je u cilju nadgledanja ispunjenja uslova iz ove dozvole, imalac dozvole obavezan dostavljati podatke u skladu sa tačkom 4.14. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u Federaciji Bosne i Hercegovine, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole u roku od 10 dana od dana kada je povreda nastupila. Ovlašteni zaposlenici FERK-a imaju pravo obavljati redovno i vanredno nadgledanje u prostorijama imaoca dozvole i imaju pravo pristupa objektima, opremi i dokumentima, da bi se izvršio uvid u obavljanje licencirane djelatnosti u skladu sa uslovima izdate dozvole, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 11. dozvole propisano je to da ukoliko FERK zaključi da imalac dozvole nije ispoštovao ili krši uslove dozvole, preduzima sljedeće aktivnosti: a) opominje imaoca dozvole o evidentiranim nepravilnostima i određuje rokove za otklanjanje nedostataka, b) pokreće postupak izdavanja prekršajnog naloga u skladu sa kaznenim odredbama zakona c) pokreće postupak oduzimanja za rad.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 9. Dozvole za snabdijevanje električnom energijom – dozvole II reda broj 06-03-507/21/12 od 21.07.2014. godine, dana 01.07.2015. godine i dana 21.09.2015. godine Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine izvršila je nadgledanje obavljanja licencirane djelatnosti. Tokom nadgledanja, navedena komisija je utvrdila da su ugovorom regulisani međusobni odnosi između imaoca dozvole i matične kompanije (osnivača) iz Slovenije iz čega je proizašla odluka o aktivnostima imaoca dozvole na trećim tržištima, kao i evidentiranju prihoda po tim aktivnostima. Utvrđeno je i kako je HSE BH d.o.o. iz Sarajeva tokom 2014. godine bio aktivan učesnik na tržištu električne energije Italije. Evidentiranjem prihoda od trgovine električnom energijom obavljenoj na tržištu treće zemlje (nelicencirana djelatnost), u ovom slučaju Italije, nije poštovao uslove koji su obuhvaćeni FERK-ovom Dozvolom za snabdijevanje električnom energijom – dozvola II reda broj 06-03-507/21/12 od 21.07.2014. godine.

O izvršenom nadgledanju, komisija je sačinila Izvještaj o obavljenom regulatornom nadgledanju, koje je dostavljeno imaocu dozvole na davanje komentara pod brojem 06-03-597-06/15 dana 17.11.2015. godine. Imalac dozvole je 01.12.2015. godine u FERK pod brojem 06-03-597-09/15 dostavio dopis, u kojem je navedeno da je u potpunosti saglasan i bez primjedbi na Izvještaj o obavljenom regulatornom nadgledanju sa preporukama, te obavještava FERK da će postupati u skladu sa FERK-ovim sugestijama i preporukama.

FERK je na XXIII redovnoj sjednici održanoj 18.12.2015. godine analizirao Izvještaj o obavljenom regulatornom nadgledanju, kao i dostavljene komentare imaoca dozvola, u skladu sa svojim pravilima i propisima i uslovima dozvola.

FERK je utvrdio da je potrebno imaću dozvole naložiti preduzimanje mjera, navedenih u dispozitivu ovog rješenja, da bi se otklonile sve učinjene povrede izdate dozvole, i to bez odlaganja.

Postupanje imaću dozvole po naloženim mjerama je naročito važno iz razloga što FERK ima mogućnost postupati u skladu sa članom 21. i članom 108. Zakona o električnoj energiji u Federaciji Bosne i Hercegovine, odnosno članom 53. Pravilnika za izdavanje dozvola, a slijedeći navedeno i u skladu sa tačkom 11. izdate dozvole za rad – licence.

Na osnovu naprijed navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić